

Belavoka kursa întegrasyonê

Ji bo kesên mecbûrî beşdarbûnê ne

- Penaberên xwedan izina rûniştina demikî ji bo pêvajoya doza penaberiye (AufenthG) li gorî mada § 55 bendê 1 ji yasaya penaberiye (AsylG) ew kesên, ku çaverê ye ku mafekî rewa û hemdemî bigirin
- Bîyanîyên xwedan izina rûniştina demikî (Duldung) li gorî mada § 60a bendê 2 hevoka 3 ji yasaya rûniştinê (AufenthG) û herweha
- Bîyanîyên xwwedan izina rûniştinê li gorî mada § 25 bendê 5 ji yasaya rûniştinê (AufenthG)

Birêzan,

Hûn li gorî yasaya wergirtina alîkariyê ji bo penaberan (Asylbewerberleistungsgesetz) û herweha li gorî yasaya rûniştinê hatine mecbûrkirin, ku tevî kursa întegrasyonê bibin.

Kursa Întegrasyon çî ye?

Kursa întegrasyonê ya giştî ji du beşan pêk tê: Kursa ziman û kursa rênemayî .

Di kursa ziman de hun dê fêrî gotin û nivîsîna wan peyvan bibin yê ku ji bo jiyana we ya rojane pêwîst in. Wek peyvên pêwîst ji bo têkiliyên we bi dam û dezgehên dewletê re û bi danûstandina bi gundî û cîranan re û bi cihê kar re û ji bo nivîsandina nameyan û tijekirina pirsnameyan.

Kursa rênemayî wê we di derheqê jiyana li Almaniya de agahdar bike û zaniyarian di derheqê rêbazên yasayî de yê komara Almaniya û herweha derbarê çand û dîroka nuh ya vî welatî deyne ber destên we.

Kursa întegrasyonê ya giştî ji kursa ziman bi 600 saetên dersê (her saetek 45 xûlekan dewa dike) û ji kursa rênemayî bi 100 saetên dersê pêk tê. Kursa ziman ji şeş beşan ku her beşek 100 saetên dersê ne pêk tê. 300 saetên dersê yê destpêkî kursê bingehîn tê binavkirin û 300 saetên dersê yê paşê wek kursa pêşketî tê binavkirin.

Hindek kursên integrasyonê yê taybet hene, wek mînak kursên ji bo jinan, ji bo dayik û bavan, ji bo ciwanan û herweha ji bo kesên, ku hîn baş nizanin bixwînin û binivîsin. Ev kurs ji 1.000 saetên dersê pêk tên.

Gava ku hun bixwazin pir zû fêrî ziman bibin, hun dikarin tevî kursekî xurt (Intensivkurs) bibin. Ev kurs ji 430 saetên dersê pêk tê.

Navenda ku kursa întegrasyonê pêk tîne, "rêvebirê kursê", di destpêka kursê de ezmûnekê ji we re çêdike, taku pileya zanebûna we bizanibe. Bi alîkariya vê ezmûnê dide xwiyani kirin, ka kîjan kurs û kîjan beşa kursê ji were li destpêkê kêrhatî ye. Ev ezmûna destpêkeyî belaş e .

Tevlêbûna di ezmûna dawî de

Ezmûna dawî ji ezmûna ziman û ji ezmûna rênemayî li dawiya kursê pêktê "Jiyan li Almaniya" tê binavkirin. Gava hun di ezmûna ziman tesbît bikin, ku hun pak bi zimanê almanî dizanin û hun di ezmûna rênemayî jî de "Jiyan li Almaniya" biserkevin, wê gavê hun kursa întegrasyonê bi

serfirazî xelas dikin û hun dê bawernameya kursa întegrasyonê „Zertifikat Integrationskurs“ bistînin.

Gava hun di ezmûnekê ji van herdu ezmûnan de bisernekevin, hun dê belgeyekê werbigirin, ku tê de encama ezmûnan hatiye nivîsandin.

Tevlîbûna di ezmûna dawî de bê pere ye.

Qeydkirina li kursa întegrasyonê

Dezgeha berpirsiyar ji bo alîkariyê li gorî yasaya wergirtina alîkariyê ji bo penaberan (Asylbewerberleistungsgesetz) wê belgeyekê nivîskî (belgeya mecbûrbûnê) ji bo tevîbûna we ya mecbûrî di kursa întegrasyonê de ji we re bişîne.

Ji kerema xwe re navê xwe ji bo kursa întegrasyonê li cem wê xwendeghê qeyd bikin, ya ku ji we re hatiye destnîşankirin û belgeya mecbûrbûna tevîbûnê (Verpflichtungsschein) pêşberî wî cihî bikin. Heger navê wê xwendeghê ji we re nehatibe destnîşankirin, ji kerema xwe re di zûtirîn dem de navê xwe li cem xwendegheke bi dilê xwe qeyd bikin. Di belgeya mecbûrbûna tevîbûnê de li jêr „Mecbûrbûna tevîbûnê heta vê demê misogir e“ hatiye nivîsîn. Hun divê xwe heta gelekî dereng dawîya wê dema destnîşankirî li cem xwendegheke ya li cem wê xwendegheha ku ji we re hatî binavkirin, qeyd bikin.

Taku tevîbûna we di kursekê de di zûtirîn dem de misogir bibe, dezgeha federal ji bo karûbarê koçberiyê û penaberan (BAMF) dikare we bişîne xwendegheke taybet ji bo kursa întegrasyonê.

Xwendegheha ku kurs pêşêkêş dike, mecbûr e, ku ji we re bêje, ka kengî çaverê ye, ku kurs destpêbike. Divê kurs ne derengtir ji 6 heftiyên piştî derbasbûna qeydkirina we destpêbike. Heger di van her şeş heftiyên de kurs destpênekir, divê xwendegheha kurs we agahdar bike.

Ji kerema xwe re haydar be, ku mafê we ji bo tevîbûnê dişewite, heger hun ji ber sebebên girêdayî bi şexsê we ve di navbera salekê de piştî qeydkirina di kursa întegrasyonê de dest bi kurs nekin yan jî heger hun bihtir ji salekê dev ji kurs berdin yan jê dûr kevin.

Tevîbûna bi rêk û pêk di kursê de

Taku hun bigîhîjin armanca kursa integrasyonê, divê hun bi rêk û pêk û li gorî rêbazan tevî kursê bibin. Ev tê wê wateyê, ku hun bi rêk û pêk heta dawîya kursê tevî dersan bibin û herweha tevî ezmûna dawî jî bibin. Bi serûber berdewamkirina kursê bo vê yekê jî girîng e, ku piştî bikaribin hindêk beşên kurs dubare bikin heger hun bixwazin. Gava hun bixwazin, rêvebirê kursê dikare serdana we ya bi serûber bi rengekî nivîskî tesbît bike û belgeyekê derbarê vê yekê radestî we bike.

Guhertina rêvebirê kursê

Bi giştî guherandina kursê yan xwendeghê bi tenê piştî temamkirina beşekî kursê mumkin e. Guherandin bi tenê di hindêk rewşên taybet de mumkin e, bi taybet gava ku merov mala xwe biguhêze devereke din yan heger ji nîv dewamê bike dewama sax yan berûvajî vê yekê yan taku dayik û bav karibin hay ji zarokên xwe hebin yan jî taku merov karibe dest bi fêrbûna karekî bike (Ausbildung) yan taku karibe dest bi karekî bike, û ev guhertin bi tenê piştî temamkirina beşekî kursê mumkin e.

Eger guhertin kursê ji ber sedemeke din were kirin, dersên wî beşê kurs ku hun tevî nebûne winda dibin.

Eger guhertin were qebûlkirin û pêk were, rêvebirê kursê gerek e belgeya mecbûrbûna tevlîbûna kursê li we vegefirîne.

Mesrefa kursa întegrasyonê

Beşdarbûna di kursê de ji were belaş e.

Guhdana zarokan

Heger pêwîstiya we ji bo tevlîbûna kursê întegrasyonê bi guhdana zarokan hebe, hun dikarin bi berpîrsê kursê re biaxivin. Ewê we derbarê derfetên li ber dest ji bo guhdana zarokan agahdar bike.

Mesrefa hatûçûnê

Hun ji ber ku alîkariyê li gorî yasaya wergirtina alîkariyê ji bo penaberan (Asylbewerberleistungsgesetz) distînin, hun dikarin beşekî ji mesrefa hatinûçûna xwe werbigirin. Ev alîkarî wê ji bo her rojê kursê were hesabkirin. Merca pêwîst ev e, ku cihê kursê bêhtirî ji 3 km ji mala we dûr be. Divê hun daxwaznameya alîkariyê li ba dezgeha federal (BAMF) qeyd bikin. Ji kerema xwe re daxwaznameya xwe bişîne ji bo wargeha herêmî ya dezgeha federal (BAMF). Hun dikarin navnîşana van wargehan li internêta li ser malpera www.bamf.de peyda bikin. Peyva "Web-GIS" di malika "Lêgerînê" de binivîsîne û lê bigerin. Hêdî malpereke lêgerînê wê ji we re vebe. Navnîşana xwe li vir binivîsîne û bijareya "zuständige Regionalstelle mit Regionalkoordinator" hilbijêre; paşê li ser "Lêgerînê" bitikîne.

Dubarekirina heta bi 300 saetên kursa ziman

Hun dikarin li gorî hindêk şert û mercên taybet yekcarê bi tenê 300 saetên dersê kursa ziman dubare bikin. Ji bo ku destûra dubarekirinê bidin we divê hun bi rêk û pêk û li gorî rêbazê tevlî kursa ziman bûbin û hun tevlî ezmûna ziman bûbin û hun di vê ezmûnê de bisernektibin (Asta ziman B1)

Taku hun karibin tevlî dubarekirina kursê bibin divê hun daxwaznameyê nivîskî arastey wargeha herêmî ya dezgeha federal (BAMF) ya ku berpîrsê cihê rûniştina we ye bikin.

Ger ku hun tevlî kurseke fêrkirina xwendin û nivîsandinê dibin, wê demê tevlîbûna we ya pêşwext di ezmûna ziman de ne pêwîst e ji bo bidestxistina mafê dubarekirina 300 saetên din.

Agahî yê ji bo mecbûrbûna tevlîbûna di kursê de

Ji ber ku hun ji aliyê dezgeha berpîrsiyar ve ji bo alîkariyê li gorî yasaya wergirtina alîkariyê ji bo penaberan (Asylbewerberleistungsgesetz) hatine mecbûrkirin ku tevlî kursa întegrasyonê bibin, divê hun di zûtirîn dem de xwe li cem xwendegehê ji bo kursa întegrasyonê qeyd bikin û bi rengêkî bi rêk û pêk tevlî vê kursê bibin.

Heger hun vî erkê xwe bi cih neynin, wê demê dibe ku perên we yê heyvane li ser we werin qutkirin.

Heger we xwe li cem xwendegehê qeydkir, divê hun bi lezgînî dezgeha berpîrsiyar ji bo alîkariyê li gorî yasaya wergirtina alîkariyê ji bo penaberan (Asylbewerberleistungsgesetz) agahdar bikin û belgeyêkê wek isbat bidin wê dezgehê.

Heger hun bi rêk û pêk tevlî kursê xwe nebin, rêvebirê kursê we mecbûr e dezgeha berpîrsiyar ji bo alîkariyê li gorî yasaya wergirtina alîkariyê ji bo penaberan (Asylbewerberleistungsgesetz) li ser vê yekê agahdar bike.

Tiştên din yê divê ku hun pê bizanibin

Hun dikarin hemu pirsname û daxwaznameyên ku di vê belavokê de hatine binavkirin ji birêvebirê kursê, ji wargeha herêmî ya dezgeha federal (BAMF) ya ku berpîrsê cihê rûniştina we ye bistînin. Tevlî vê yekê hun dikarin li navnîşana înternetê ya “www.bamf.de” jî bibînin.

Ji bilî vê yekê jî ji kerema xwe re hayadarî xizmetguzariyên dezgehên şewirmendiya koçberiyê û xizmetguzariya koçberiya ciwanan bin. Ev dezgeh dikarin alîkarîya we ji bo dagirtina pirsnameyan bikin û bersiva pîrsên we bidin û guh didin pîrsgirêken we û dikarin herweha ji bo we li kurseke herî baş bigerin. Hun dikarin navûnîşanên dezgehên şewirmendiya koçberiyê û xizmetguzariyên koçberiya ciwanan yê li der û dora we ji dezgeha karûbarê biyaniyan (Ausländerbehörde) ya herêmî û ji wargeha herêmî ya dezgeha federal (BAMF) yan jî ji navnîşana înternetê ya “www.bamf.de” werbigrin.

Di vê belavokê de agahdariyên herî girîng derbarê tevlîbûna kursa întegrasyonê hene. Birêvebirê kursê dikare di derheqê naverokên din yê kursê de agahdariyan bide we.

Ji kerema xwe re hayadar be ku di dema tevlîbûna we ya kurseke entegrasyonê de sîgorta yan tamîna we ya yasayî ji bo qezayan nîn e.

Em hêvidar in ku hun di kursa întegrasyonê de biserbikevin!